

Phyt.

510

m

*Ex donat. Molliana.*

Phyl.  
510 m

MONOGRAPHIA  
STAPHYLINORUM  
SVECIÆ

A  
GUSTAVO DE PAYKULL.



UPSALIÆ,  
LITTERIS DIRECT. JOHANN. EDMAN, MDCCLXXXIX.

Bayerische  
Staatsbibliothek  
München

*VIRO*

*ILLUSTRI ac CELEBERRIMO*

*DOMINO*

*JOHANNI CHRIST.*

*FABRICIO,*

*PROF. KILONIENSI, PLUR. ACADEM. ET SOC.*

*LITT. MEMBRO.*

*AMICO OPTIMO*

*SACRUM.*



## LECTORI.

**F**aunam Svecicam ab immortali nostro LINNÆO editam, non exiguam, maxime quod ad insecta & vermes, desiderare emendationem, jam diu non immerito questi sunt rerum naturalium scrutatores. Ardentius hanc historiæ naturalis partem excolendi studium, ab Illustri hoc Viro in primo quasi diluculo accensum, numerum specierum in plerisque generibus fere duplicavit, unde characteres etiam antea determinati facti sunt vacillantes. LINNÆUS laboribus obrutus descriptiones suas maxima, qua fieri potuit, brevitate adornavit. Pauca tunc verba ad speciem aliquam determinandam forte sufficiebant, quando plures, eidem admodum adfines, nondum erant cognitæ. His autem detectis, priores adeo insufficientes sunt descriptiones, ut conjectandum non raro, atque ab exterorum aucto-

---

rum synonymiis indagandum sit, quam in primis speciem Archiater illustris indicare voluerit.

DE GEER, auctor eodem tempore florens, defectus Faunæ Sveciæ dudum cognovit. Nomina igitur LINNÆANA apud ipsum non raro desiderantur, atque interdum speciebus alienis sunt addita. Absit quam longissime ut Reaumurii nostri Svecani gloriam obscurare vellem: indefesam ejus inquirendi, & solidam dijudicandi facultatem, naturæ ubique, non vero soli nomenclaturæ intentam, semper laudabunt, semper admirabuntur, raro imitari poterunt eruditi. Attamen in observandis magis quam colligendis hisce naturæ miraculis occupatus DE GEER non admodum multas species LINNÆO incognitas in operibus suis descripsit.

Plures recentioris ævi scriptores, novis Insectorum Svecicorum descriptionibus, partim



---

tim in Actis Academiae Scientiarum, partim in singularibus disertationibus, defectum hunc supplere sunt conati; neque negari potest quidquam hac diligentia esse effectum, quamvis minus omnino, quam primo forte intuitu sperari posset. Difficultas erit enim non levis plura Academicorum trimestria, aut plures diversi argumenti disertationes evolvere, ut insectum aliquod quæramus minus cognitum, antea sæpe nomine magis exteris entomologis noto, vel ab ipso interdum LINNÆO descriptum.

Edebat interea BONSDORFF Academiae Aboënsis Professor, suas de Curculionibus Svecicis disertationes, suoque exemplo genera Insectorum difficiliora per monographias pertractare docuit. Descriptiones ejus cum Synonymis auctorum ab ipso examinatis magnam habent laudem. Unum forte

---

vel alterum addi potuisset: sed Scientia tamen non sine causa continuationem hujus laboris, qui non ultra levisimam divisionem, seu Curculiones brevirostris sese extendit, intermissam queritur.

Præter defectum hunc descriptionum entomologorum satis perspicuum, aliam quoqueprehendimus difficultatem. Genera a LINNÆO recepta vacillant sæpe, & naturæ interdum repugnant. Dermestes, Tenebrio, Attelabus, Cancer, cetera testimonio esse poterunt, neque multos harum rerum peritos habebo contradicentes. Classes ipsæ apud LINNÆUM minus bene sunt determinatæ. Cur enim e. gr. Aptera a reliquis separantur, cum in omnibus classibus insecta sine alis inveniuntur? Exiguæ Systematis LINNÆANI emendationes, a recentioribus nonnullis factæ, vix commemorari debent, utpote infirmiores ædificii minus solide fundati reparationes.

FA-

---

FABRICIUS, Academiæ Kiloniensis Professor, qui inter omnes maximum vidit ac descripsit insectorum numerum, atque ideo defectus prioris systematis optime perspexit, novum orbi erudito systema dedit, structura instrumentorum cibariorum fundatum. Multa huic objici audiui: sed cum mammalia & aves ex structura dentium & rostri distingvere non dubitaverint Historici Naturales, cur non eodem modo in divisione insectorum naturæ sequi licebit vestigia? Subtilitas partium magnam interdum, fateor, difficultatem creat: sed hæc tamen neminem absterreere debet, postquam MULLER Zoologus Hassnienfis, ipsa animalcula microscopica, quæ oculis nudis conspici nequeunt, & instrumentis cibariis omnium insectorum huc usque descriptorum infinite minora sunt, in sua genera, suasque species dispecscere potuit. Qui præterea systematis FABRICIANI paulo accuratorem nactus est

---

cognitionem, habitum naturalem per omnia fere ita observatum inveniet, ut hoc ipso haud parum minuantur difficultates. Si autem numerus generum loco quodam præter necessitatem contra habitum hunc naturalem auctus videretur, erratum hoc facile corrigere quisque poterit. Non igitur e. gr. vestigiis memorati auctoris infistens Staphylinos in tria genera distingvere ausus sum.

Postquam per instituta longe lateque intra patriam, itinera & benignam aliorum entomologorum operam, insectorum plerorumque in Svecia inventorum ipse factus sum possessor, genera, quæ plurimas præbere videbantur difficultates, & maximam novarum specierum copiam ostendebant, passim describere decrevi.

A Staphylinis initium facio. Curculiones, Carabos, Phryganeas, Ichneumones,  
Ten-

---

Tenthredines, Noctuas, Phalænas, Pyralides, Tineas, Muscas, cet. postmodum pertractare est animus. Genus unumquodque singulatim editur, sed æquali forma, ut postmodum eadem ligatura plura possint conjungi.

Descriptiones summa, qua fieri potuit, adcuracione formare sum conatus: characteres a solo colore non desumsi, ubi aliarum fuit notarum copia. Sic vero specierum ex meritis sæpe varietatibus formationem alicubi forte vitare potui. Varietates tamen ubique simul descripsi.

Ne multis præter necessitatem, citationibus nimium crescat labor, quod ad Synonymiam attinet, FABRICII opus recentissimum seu Mantisfam Insectorum, LINNÆI Systema Naturæ & Faunam Svecicam, DE GEERII Histoire des Insectes unice citavi; præter illos casus, ubi insecta ab his aucto-

---

auctoribus non fuerunt descripta, aut alii  
eorundem dederunt figuras coloribus vi-  
vis pictas.

Insectorum, quæ tractantur, domicilia  
ubique annotare studui; in oeconomiam au-  
tem ulteriorem nunc inquirere nolui. Ob-  
servationes, quas in hac entomologiæ par-  
te præcipua instituere potui, alia vice pu-  
blici juris faciam.

Suis laborare nævis hanc meam operam  
non dubito. Novas igitur observationes &  
illustrationes ab omnibus hujus Scientiæ  
cultoribus enixe mihi expeto, hisque me  
maximopere obstrictum profiteor.

*Dab. in Prædio Hesfelby prope Upsaliam  
die 20 Maji 1789.*

STA-

# STAPHYLINUS.

*ANTENNÆ moniliformes.*

*ELYTRA abbreviata alas obtegentia.*

*TARSI quinquearticulati.*


*CAUDA simplex, exserens duas vesiculas oblongas.*

LINNÆUS, qui semper alioquin in plures divisiones majora distinxit genera, in ultima systematis sui editione viginti sex tantum descripsit Staphylinos, eamque forte ob causam genus hoc in plures dispescere noluit familias.

FABRICIUS vero, qui quadraginta quinque descripsit, in quibus tamen nonnulli, si dicere hoc liceat, meræ sine dubio sunt varietates, tria eorum constituit genera. Ipsum, hac in re, ut antea indicavi, sequi non audeo, neque his generibus tanquam subdivisionibus facile uti possum, cum primum genus solum, seu Staphylini ejus proprie sic dicti, quadruplo fere majorem contineant numerum specierum, quam reliqua duo genera, seu Oxypororum & Pæderorum simul sumta. Alii Entomologi hoc genus in species majores & minores diviserunt; alii in Staphylinos thorace æqua-

æquali, postice latiori, postice angustiori, & cylindraceo; uterque hic distingvendi modus sua non caret difficultate. Nescio autem an feliciorem ego elegerim distingvendi rationem. In oculos cuique facile incurrit, quod nonnulli Staphylini caput habeant thorace latius, alii thorace angustius, aut eidem æquale. Hinc in duas genus hoc distinxi familias, quarum prior capite gaudet thorace haud angustiore, posterior vero eodem angustiore. Utraque fere parrem continet specierum numerum. Scio equidem in casibus, licet paucissimis, difficulter admodum discerni, utrum caput thoracis habeat latitudinem, an vero illo paulo sit angustius; sed pleræque tamen species ad alterutram familiam facillime amendantur. Cumque in descriptionibus proportionem capitis ad thoracem semper adnotem, difficultas etiam paucas has exceptiones examinandi, & in ordinem redigendi tollitur.





## FAMILIA PRIMA

*Capite thorace haud angustiore.*

N:o 1.

### STAPHYLINUS HIRTUS.

*Hirsutus, niger, thorace abdomineque  
postice flavis.*

#### DESCRIPTIO.

CAPUT magnum, thorace latius, subtus  
nigrum, supra lanugine flava  
tectum; *Maxillæ* longissimæ;  
*Antennæ* subæquales, capite lon-  
giores, nigræ, primo articulo  
longissimo.

THO-

**THORAX** niger, supra, margine postico excepto, lanugine flava tectus, antice angulatus, postice rotundatus, longitudine capitis.

**ELYTRA** lanuginosa, antice nigra, postice cinerascens, thorace longiora.

**STERNUM** violaceum, nitidum.

**ABDOMEN** longitudine thoracis elytrorumque, supra antice nigrum, postice flavo-lanuginosum, subtus violaceum, nitidum, maculis paucis flavis, lanuginosis.

**PEDES** nigri.

**LOCUS:** In Scaniae Sabuletis rarior.

**OBS.** *Lanugo flava interdum ætate deteritur.*

**SYNON.** FABRICII MANT. *Inf.* p. 219, N:o 2. *St. Hirtus.*  
LINN. *Syst. Nat.* 2. p. 683. N:o 1. *Faun. Svec.* N:o 839. *St. Hirtus.*

DE GEER *Hist. des Inf.* t. 4. p. 20. N:o 5. *St. Bombilius.*

SCHÆFF. *Icon.* T. 36. f. 6.

## N:o II.

## STAPHYLINUS MAXILLOSUS.

*Niger, nitidus, abdomine elytrisque  
fasciis cinereis.*

## DESCRIPTIO.

CAPUT nigrum, nitidum, thorace latius;  
*Maxilla* longissimæ; *Antennæ*  
nigro-fuscescentes, extrorsum  
crassiores, capite longiores.

THORAX niger, nitidus, antice truncatus,  
angulatus, postice rotundatus,  
longitudine capitis.

ELYTRA nigra, fascia in medio sinuata,  
lanuginosa, cinerea, punctis ali-  
quot minutis, nigris; subtus  
violacea, nitentia.

ALÆ albæ, macula marginali nigra.

STERNUM nigrum.

ABDOMEN supra nigrum, maculis quibus-  
dam lanuginosis, cinereis; sub-  
tus nigrum, fascia lata, lanu-  
ginosa, cinerea.

PEDES nigri.

LOCUS: Habitat in fimetis & quisquiliis; in ca-  
davere serpentis semel magnam e-  
jus copiam inveni.

OBSERV. *Lanugo cinerea interdum ætate evanescit.*

B

STN-

STYON. FABR. MANT. *Inf.* p. 220. N:o 5. *St. Maxillofus.*

LINN. *Syst. Nat.* 2. p. 683. N:o 3. *Faun. Sv.* N:o 841. *St. Maxillofus.*

DE GEER *Hist. des. Inf.* 4. p. 18. N:o 4. *St. Balteatus.*

SCHÆFF. *Icon. T.* 20. f. 1.

N.o III.

N:o III.

## STAPHYLINUS ERYTHROPTERUS.

*Niger, maculis lanuginosis, nitentibus,  
flavis, elytris, antennarum basi,  
pedibusque rufis.*

## DESCRIPTIO.

**CAPUT** thorace latius, nigrum, supra lanugine brevissima, flava, certo situ auri instar micante tectum; *Palpi* rufi; *Antennæ* rufæ, apice fuscescentes, filiformes, capite duplo longiores.

**THORAX** niger, lanugine brevissima flava, præsertim margine nitente, capite longior, antice truncatus, angulatus, postice rotundatus.

**ELYTRA** rufa, thoracè paulo longiora.

**ALÆ** rufescentes, præsertim margine exteriori, absque puncto marginali nigro.

**STERNUM** nigrum, maculis lanuginosis, flavis.

**ABDOMEN** nigrum, maculis paucioribus, lanuginosis, flavicantibus.

**PEDES** rufi.

*Locus:* In fimetis & agaricis putridis.

B 2

OBS.

*OBSERV. Lanugo flava interdum exteritur.*

*SYNON. FABR. Mant. Inf. p. 220. N:o 8. St. Erythropterus.*

*LINN. Syst. Nat. 2. p. 683. N:o 4. Faun. Svec. N:o 842. St. Erythropterus.*

*DE GEER Hist. des Inf. 4. p. 21. N:o 6. St. Erythropterus.*

*SCHÆFF. Icon. Inf. t. 2. fig. 2.*

N:o 1v.

N:o IV.

## STAPHYLINUS OLENS.

*Niger, opacus, immaculatus, antennis apice lunatis.*

## DESCRIPTIO.

CAPUT nigrum, thorace latius; *Antennæ* capite duplo longiores, ultimo articulo lunato.

THORAX niger, depressus, longitudine capitis, antice truncatus, angulatus, postice rotundatus.

ELYTRA nigra, depressa, longitudine thoracis.

STERNUM nigrum, nitidiusculum.

ABDOMEN nigrum, depressum, marginatum, elytris quadruplo longius.

PEDES breviores, nigri.

LOCUS: In Scania rarius habitare fertur; in Europa australi frequens.

OBSERV. *Magnitudo: longitudine omnes nostros superat, latitudine St. Maxillosum æquiparat. Ab illustr. a LINNÉ falso pro var. St. Maxillofi habitus.*

SYNON. FABR. *Mant. Inf. p. 219. N:o 4. St. Olen.*

DE GEER *Inf. 4. p. 22. N:o 3. St. Major niger.*

B 3

N:o v.

N:o v.

## STAPHYLINUS SIMILIS.

*Niger, immaculatus, capite thorace-  
que politis.*

## DESCRIPTIO.

CAPUT thorace latius, nigrum, nitidum; *Antennæ* filiformes, capite duplo longiores.

THORAX niger, nitidus, longitudine fere capitis.

ELYTRA depressa, nigra, opaca, thorace paulo longiora.

STERNUM nigrum.

ABDOMEN depressum, nigrum, opacum, elytris triplo longius.

LOCUS: Habitat in Svecia australi rarius.

OBSERV. Magnitudo: dimidia præcedentis, a quo etiam differt capite thoraceque politis, abdomineque, respectu elytrorum, brevior.

SYNON. DE GEER *Inf.* 4. p. 22. N:o 7. *St. minor niger?* sed minime *St. Politus* LINNÆI.

SCHÆFF. *Icon. Inf.* t. 30. N:o 12.

N:o vi.



## N:o VI.

## STAPHYLINUS ÆNEOCEPHALUS.

*Nigro-fuscus, elytris rufescentibus,  
capite thoraceque æneis.*

## DESCRIPTIO.

**CAPUT** thorace paulo latius, æneum, punctis minutissimis, confertissimis, & 4 vel 6 majoribus excavatis; *Palpi* breves, fusco-rufescentes; *Maxillæ* nigrae; *Oculi* disco nigri, margine pallidi; *Antennæ* filiformes, fusco-rufescentes, longitudine fere dupla capitis.

**THORAX** capite longior, antice truncatus, postice rotundatus, punctis minutissimis, confertissimis disco, & quibusdam paulo majoribus, marginalibus, excavatis.

**ELYTRA** fusco-rufescentia, thorace breviora.

**STERNUM** fuscum, opacum.

**ALÆ** albæ, costa, punctoque marginali rufescentibus.

**ABDOMEN** elytris triplo fere longius, fuscum, lineis quinque obsoletis, pallidioribus.

**PEDES** fusco-rufescentes.

*Locus:* In fimetis Uplandiæ.

*OBSERV. Magnitudo & Statura omnino præcedentis, ut diu hæsitaverim, utrum species distincta, an varietas esset, sed quoniam color omnino differt, nec mixti unquam occurrunt, vix dubitare licet, quin distingui mereantur.*

*SYNON. DE GEER Inf. 4. p. 22. N:o 8. St. Æneocephalus.*

N:o VII.

## N:o VII.

## STAPHYLINUS CYANEUS.

*Niger, capite, thorace, elytrisque  
cyaneis.*

## DESCRIPTIO.

CAPUT thorace latius, supra cyaneum, subtus nigrum, nitidum; *Oculi* disco nigri, margine pallidi; *Maxilla Palpique* nigri; *Antennae* filiformes, capite duplo longiores, nigræ.

THORAX longitudine capitis; convexus, antice obtusus, postice rotundatus, cyaneus.

ELYTRA cyanea, longitudine thoracis.

SCUTELLUM nigrum.

STERNUM nigrum.

ABDOMEN nigrum, elytris plus duplo longius.

PEDES nigri.

*Locus:* Habitat rarissime in insula Vermdön, Dom. ÖDMANN; in Finlandia, Dom. MODEER.

*OBSERV. Magnitudo & statura St. erythropteri.*

*SYNON. GEOFFROY Hist. des Inf. t. 1. p. 361. N:o 2. St. Atro-coeruleus.*

## STAPHYLINUS MURINUS.

*Cinereus, pubescens, æneo nigroque nebulosus, abdomine conico, apice pedibusque nigris.*

## DESCRIPTIO.

**CAPUT** depressum, latitudine thoracis, subtilissime punctatum, subæneum; *Palpi* nigri; *Oculi* brunnei; *Antennæ* filiformes, rufescentes, apice nigræ, capite duplo longiores.

**THORAX** longitudine capitis, antice angulatus, truncatus, postice rotundatus, cinereo-pubescens, maculis æneis nigrisque tessellatus.

**STERNUM** nigrum, lanugine cinerea, certo situ splendente tectum.

**ELYTRA** thoracis longitudine, supra æneo-cinerascentia, maculis tessellatis, nigris, subtus cyanea, nitida.

**ALÆ** abdomine longiores, apice nigrescentes, macula marginali nervisque nigris.

**ABDOMEN** conicum, longitudine fere dimidii corporis, dorso, basi cinereo-æneum, maculis nigris  
tes-

tesfcllatis, apice totum nigrum;  
subtus nigrum, lanugine cinerea  
in marginibus segmentorum  
perlucente.

PEDES nigri.

*Locus*: Hab. in fimetis ubique.

STRON. FABR. *Mant. Inf.* p. 219. N:o 3. *St. Murinus*.

LINN. *Syst. Nat.* 2. p. 683. N:o 2. *Faun. Sv.*  
N:o 840. *St. Murinus*.

DE GEER *Inf.* 4. p. 12. N:o 1. *St. Villosus*.

N:o 1x.

## STAPHYLINUS PUBESCENS.

*Niger, nebulosus, capite femoribusque  
annulo flavo-ferrugineo, ab-  
domine obtuso.*

## DESCRIPTIO.

**CAPUT** flavo-lanuginosum, latitudine thoracis; *Palpi Maxillæ* nigri; *Antennæ* capite duplo longiores, extrorsum crassiores, basi flavæ, apice nigricantes.

**THORAX** capite longior, antice truncatus, postice rotundatus, niger, lanugine brevissima, ferruginea, parcius tesfellatus.

**ELYTRA** thorace longiora, nigra, maculis paucioribus, lanuginosis, ferrugineis.

**ABDOMEN** obtusum, elytris vix duplo longius, dorso nigro, ferrugineo, parum lanuginoso, subtus nigrum lanugine densa, cinerea, certo situ micante, tectum.

**PEDES** fusci, annulo femorali ferrugineo.

**Locus:** Habit. in Scania rarius. Dom. QUENTZEL. E Gallia mihi a Dom. D'ANTIC misfus.

OB-

*OBSERV. A priori, cui magnitudine & Statura similis est, colore & abdomine obtuso omnino differt.*

*SYNON. DE GREY Inf. 4. p. 17. N:o 2. St. Pubescens.  
GEOFF. Inf. t. 1. p. 363. N:o 8. St. Pubescens.*

N:o x.

N:o x.

## STAPHYLINUS RUFUS.

*Glaber, rufus, capite, sterno, ant-*  
*elytrisque postice nigris.*

## DESCRIPTIO.

**CAPUT** nigrum, nitidum, thorace latius;  
*Maxillæ* validissimæ, capitis lon-  
gitudine; *Palpi* rufi; inæquales:  
anteriores filiformes, posterio-  
res securiformes; *Antennæ* basi  
rufæ, apice fuscæ, breviores;  
extrorsum crassiores.

**THORAX** rufus, glaber, capite brevior,  
antice truncatus, angulatus, po-  
stice rotundatus.

**STERNUM** nigrum, nitidum.

**ELYTRA** nigra: basi angulo exteriore ma-  
cula magna, rufa, quæ tamen  
marginem interiorem haud at-  
tingit.

**ABDOMEN** conicum, rufum, apice nigrum.

**PEDES** rufi, femoribus omnibus basi  
nigris.

**Locus:** Hab. in boletis.

**SYNON.** FABR. *Mant. Inf.* p. 222. N:o 1. *Oxyporus*  
*rufus.*

LINN. *Syst. Nat.* p. 684. N:o 6. *Faun. Svec.*  
N:o 844. *St. Rufus.*

DE GEER *Hist. des Inf.* 4. p. 24. N:o 10.  
*St. Rufus.*

SCHÆFF. *Icon. Inf.* t. 85. f. 3.

N:o XI.



N:o XI.

## STAPHYLINUS CARABOIDES.

*Depressus, rufo-flavus, elytris pedibusque pallidioribus, antennis longioribus.*

## DESCRIPTIO.

**CAPUT** vix thorace latius, obscure rufum; *Antennæ* paulo dilutiores, longitudine fere corporis, filiformes; *Oculi* globosi, nigri, prominentes.

**THORAX** rufus, capite longior, rotundatus, postice paulo angustatus.

**STERNUM** rufo-flavum.

**ELYTRA** depressa, testacea: capitis thoracisque longitudine.

**ABDOMEN** breve, antice rufo-flavum, postice fuscum.

**PEDES** testacei.

**LOCUS:** Habitat in putridis, sub foliis disiectis vere & autumnno, & intra folia arborum æstate convoluta, frequens.

**OBSERV.** *Color rufo-flavus in brunneum interdum magis transit.*

**SYNON.** FABR. *Mant. Inf.* p. 222. N:o 33. *St. Caraboides.*

LINN. *Syst. Nat.* 2. p. 685. N:o 20. *Faun. Svec.* N:o 854. *St. Caraboides.*

DE GEER *Hist. des Inf.* 4. p. 25. N:o 12. *St. Fulvus.*

N:o XII.

## STAPHYLINUS PICEUS.

*Niger, thorace depresso: lineis elevatis  
tribus, elytris piceis.*

## DESCRIPTIO.

CAPUT nigrum, rugosum, thoracis latitudine; *Antennæ* extrorsum crassiores, longitudine capitis thoracisque.

THORAX niger, depressus, submarginatus, rugosus, lineis tribus elevatis, longitudinalibus, antice truncatus, angulatus, postice rotundatus.

ELYTRA picea, rugosa, truncata, longitudine thoracis.

STERNUM nigrum.

ABDOMEN nigrum, longitudine dimidii corporis.

PEDES pallidi.

LOCUS: Habitat frequens in stercore bovino.

SYNON. FABR. *Mant. Inf.* p. 222. N:o 35. *St. Piceus*.  
LINN. *Syst. Nat.* 2. p. 686. N:o 25. *St. Piceus*.

VAR.  $\beta$ .

*Niger, immaculatus, rugosus.*

LOCUS: Habitat rarius cum præcedente.

OBSERV. *Paulo major, at Statura & Fabrica omnino eadem.*

SYNON. FABR. *MANT. Inf.* p. 222. N:o 34. *St. Rugosus*.  
N:o XIII.

N:o XIII.

## STAPHYLINUS BICOLOR.

*Fusco-griseus, capite, thorace abdomineque supra nigris.*

## DESCRIPTIO.

**CAPUT** thoracis latitudine, nigrum, convexum: pilis rarioribus; *Antennæ* fuscae, vix extrorsum crassiores, capitis thoracisque longitudine.

**THORAX** niger, convexus, (non vero gibbus), immarginatus, postice rotundatus.

**ELYTRA** fusco-grisea, subpunctata, longitudine thoracis, postice truncata, angulis obtusis.

**STERNUM** griseo-fuscum.

**ABDOMEN** marginatum, thorace elytris-que paulo longius; supra nigrum, subtus griseo-fuscum.

**PEDES** fusco-cinerascentes.

**LOCUS:** Habitat in fimetis parcius.

**OBSERV.** *Colore & magnitudine omnino St. Picea, sed lavis, & thorax baud depressus.*

C

N:o XIV.

## STAPHYLINUS FULGIDUS.

*Elongatus ater, nitidus, elytris, pedibus, abdominisque apice rufis.*

## DESCRIPTIO.

- CAPUT** thoracis latitudine, oblongum, punctulatum, nigrum, nitidum;  
*Antennæ* rufo-fuscescentes, filiformes, capite longiores.
- THORAX** longitudine capitis, convexus, submarginatus, niger, nitidus, antice truncatus, angulatus, postice rotundatus.
- STERNUM** nigrum.
- ELYTRA** rufa, thoracis longitudine.
- ALÆ** fuscescentes.
- ABDOMEN** elytris triplo longius, nigrum, summo apice rufo.
- PEDES** rufi.

**LOCUS:** Habitat in fimetis.

**OBSERV.** *Magnitudo: longitudine St. Murini, at triplo angustior.*

**SYNON.** FABR. Mant. Inf. p. 220. N:o 14. *St. Fulgidus.*

VAR.  $\beta$ .

*Elongatus ater: elytris pedibusque testaceis.*

**OBSERV.** *Paulo minor, sed fabrica & statura omnino eadem, ut non distingui mereantur; præcedente multo ravior.*

N:o xv.

## STAPHYLINUS TRICOLOR.

*Elongatus niger, elytris pedibusque rufis, thorace antice rubro.*

## DESCRIPTIO.

CAPUT oblongum, nigrum, nitidum, punctulatum, thoracis latitudine; *Antennæ* vix extrorsum crassiores, capite longiores.

THORAX capite paulo brevior, nitidus, antice truncatus ruber; postice subattenuatus, rotundatus, niger.

ELYTRA rufa, longitudine thoracis.

STERNUM rufescens.

ALÆ rufescentes.

ABDOMEN dorso nigrum, summo apice subtusque rufescens, elytris triplo longius.

PEDES rufi.

LOCUS: Habitat in fimetis.

OBSERV. *Statura præcedentis, sed differt magnitudine paulo minori, thoraceque postice attenuato, antice rubro. An hic esset diu hæsi, sed FABRICIUS ipse dubia mea litteris suis profligavit: minus igitur accurate ejus descriptio quadrat. Forsan varietatem, thorace toto rubro, ill. Auctor vidit, quæ mihi non occurrit.*

SYNON. FABR Mant. Inf. p. 221. N:o 30. St. Tricolor.

C 2

N:o xvi.

## STAPHYLINUS AFFINIS.

*Elongatus rufo-fuscus, nitidus, subtus dilutior, palpis filiformibus.*

## DESCRIPTIO.

**CAPUT.** latitudine thoracis, elongatum, declive, subpilosum; *Oculi* nigri, minuti; *nucha* magis nigricans, subtus magis rufescens; *Antennæ* capite longiores, extrorsum paulo crassiores, rufescentes; *Palpi* filiformes.

**THORAX** rufo-fuscus, nitidus, subtus dilutior, convexus, immarginatus, postice rotundatus, vix capite longior.

**ELYTRA** rufo-fuscescentia, inangulata, longitudine & latitudine thoracis.

**STERNUM** rufum.

**ABDOMEN** cylindricum, dorso rufo-fuscum; subtus dilutius, longitudine fere dimidii corporis, latitudine thoracis.

**PEDES** breves, rufi.

**LOCUS:** Habitat in fimetis.

**OBSERV.** *Statura omnino præcedentis, at paulo minor, nec collari sanguineo; forsan tantum varietas sexus.*

N:o XVII.

## STAPHYLINUS ELONGATUS.

*Niger, pedibus elytrisque postice rufis,  
palpis anterioribus clavatis.*

## DESCRIPTIO.

**CAPUT** thoracis latitudine, nigrum, subpunctatum; *Antennæ* filiformes; rufescentes, capitis thoracisque longitudine; *Palpi* anteriores clavati, posteriores filiformes.

**THORAX** niger, subpunctatus, antice posticeque rotundatus, inangulatus, longitudine capitis.

**ELYTRA** thoracis longitudine, antice nigra, postice obscure rufa.

**STERNUM** nigrum.

**ABDOMEN** cylindricum, nigrum, vix longitudine dimidii corporis.

**PEDES** rufi.

**LOCUS:** Hab. in stercore & sub lapidibus sat frequens.

**OBSERV.** *Statura præcedentium, at distinctus palpis clavatis, & elytris antice nigris.*

**SYNON.** FABR. *Mant. Inf.* p. 223. N:o 3. *Pæderus elongatus.*

LINN. *Syst. Nat.* 2. p. 685. N:o 14.

C 3

N:o XVIII.

## STAPHYLINUS RUFICOLLIS.

*Niger, elytris coeruleis, femoribus-  
que basi rufis.*

## DESCRIPTIO.

CAPUT nigrum, nitidum, subpunctatum, thoracis latitudine; *Antennæ* filiformes, capite thoraceque longiores, nigræ, basi pallidæ; *Palpi* anteriores clavati, rufi: clava nigra, posteriores filiformes.

THORAX globosus, rufus, capitis longitudine.

ELYTRA violacea, nitida, punctata, thorace paulo longiora.

STERNUM nigrum.

ABDOMEN nigrum, cylindricum, dimidio corpore longius: setis longioribus.

PEDES nigri, femoribus basi rufis.

LOCUS: In Scania rarius habitare fertur; in Holsatia frequens sub lapidibus litoralibus.

OBSERV. *Magnitudo & Statura præcedentis.*

SYNON. FABR. Mant. Inf. p. 223. N:o 2. *Pæderus ruficollis.*

GEOFFROY Hist. des Inf. T. 1. p. 370. N:o 23. *St. Atro-coeruleus thorace rubro.*



## N:o XIX.

## STAPHYLINUS RIPARIUS.

*Rufus, elytris coeruleis; capite, sterno,  
geniculis abdominisque apice nigris.*

## DESCRIPTIO.

CAPUT thoracis latitudine; *Palpi* rufi: anteriores clavati: clava nigra, posteriores filiformes; *Antennæ* filiformes, nigræ, basi rufescentes, capite thoraceque paulo longiores.

THORAX ovalis, convexus, rufus, capite paulo longior.

ELYTRA violacea, thorace paulo longiora.

STERNUM nigrum.

ABDOMEN longitudine dimidii corporis, rufum: duobus ultimis segmentis nigris.

PEDES rufi, geniculis nigris.

LOCUS: Habitat ad ripas arenosas.

SYNON. FABR. *Mant. Inf. p. 223. N:o 1. Pæderus riparius.*

LINN. *Syst. Nat. 2. p. 684. N:o 8. Faun. Svec. N:o 846. St. riparius.*

DE GEER *Hist. des Inf. t. 4. p. 28. N:o 14. St. riparius.*

SCHÆFF. *Icon. T. 71. fig. 3.*

## STAPHYLINUS TESTACEUS.

*Testaceus, glaber, capite rufo, oculis  
nigris.*

## DESCRIPTIO.

**CAPUT** thoracis latitudine, convexum, rufum; *Oculi* minutissimi, nigri, *Antennae* filiformes, capitis thoracisque longitudine; *Palpi* anteriores clavati; posteriores filiformes.

**THORAX** testaceus latitudine paulo longior.

**ELYTRA** testacea, magnitudine thoracis.

**STERNUM** testaceum.

**ABDOMEN** thorace elytrisq. paulo longius, testaceum, marginibus segmentorum dorso paulo rufescentibus.

**PEDES** breves, testacei.

**OBSERV.** *Statura & magnitudine omnino sequentis. Non nisi unicum vidi: forsan varietas, aut nuper e nympha declaratus colorem in statu adultiori forte mutaturus.*

N:o XXI.

## STAPHYLINUS QUADRATUS.

*Niger, nitidus, immaculatus, thorace quadrato, palpis anterioribus clavatis, antennarum articulis subæqualibus.*

## DESCRIPTIO.

CAPUT latitudine thoracis, nigrum, pilis rarioribus; *Antennæ* filiformes: articulis subæqualibus, longitudine dimidii corporis; *Palpi* anteriores clavati; posteriores filiformes.

THORAX quadratus, angulis obtusis, niger, nitidus, elytrorum fere magnitudine.

ELYTRA nigra, subquadrata.

STERNUM nigrum.

ALÆ albæ.

ABDOMEN nigrum, longitudine thoracis elytrorumque, setis longioribus.

PEDES *Femora & Tibiæ* nigra; *Tarsi* fuscescentes.

*LOCUS:* Hab. in fimetis.

*OBSERV.* Magnitudo & habitus *St. riparii*.

VAR. β.

*Niger immaculatus, pedibus rufis.*

*LOCUS:* Habitat cum præcedente, sed multo rarior, nec distinctus specie, cum fabrica omnino sit eadem.

C 5

N:o XXII.

## STAPHYLINUS PUNCTULATUS.

*Niger, capite, thorace elytrisque punctatis, palpis filiformibus, primo articulo antennarum reliquis duplo longiore.*

## DESCRIPTIO.

**CAPUT** thoracis latitudine, declive, nigrum, confertissime punctatum; *Palpi* filiformes; *Antennæ* capite paulo longiores: primo articulo reliquis duplo longiore.

**THORAX** niger, nitidus, longitudine capitis, punctatus, antice truncatus, postice rotundatus.

**STERNUM** nigrum.

**ELYTRA** nigra, punctulata, thorace paulo longiora.

**ALÆ** albæ.

**ABDOMEN** nigrum, cylindricum, longitudine fere dimidii corporis.

**PEDES** nigri, interdum fuscescentes.

**LOCUS:** Habitat in fimetis rarius.

**OBSERV.** *Differt a priori, cui magnitudine & colore omnino similis, quod punctatus, quod caput magis declivum, thorax magis rotundatus, palpi omnes filiformes, & primus articulus antennarum reliquis duplo longior sit.*

## N:o XXIII.

## STAPHYLINUS CANALICULATUS.

*Rufo-flavus, capite abdominisque apice nigris, thorace postice canaliculato.*

## DESCRIPTIO.

**CAPUT** nigrum, thoracis latitudine; *Antennæ* extrorsum crassiores, capite thoraceque longiores, basi rufo-flavescentes, apice fuscae; *Palpi* æquales filiformes, rufo-flavescentes.

**THORAX** flavo-rufescens, rotundatus, postice medio canaliculatus, elytrorum longitudine.

**STERNUM** rufo-flavesces.

**ELYTRA** breviora, flavo-rufescentia.

**ABDOMEN** marginatum, reliquo corpore longius, basi rufo-flavum, apice nigrum.

**PEDES** rufo-flavi.

**LOCUS:** Habitat sub lapidibus, & foliis putridis, tempore autumnali & primo vere satis frequens.

**OBSERV.** *Magnitudo præcedentibus minor. Color rufo-flavus interdum magis obscurus.*

**SYNON.** FABR. *Mant. Inf. p. 221. N:o 29. St. Canaliculatus.*

## N:o XXIV.

## STAPHYLINUS SULCATUS.

*Niger glaber, thorace longitudinaliter unisulcato.*

## DESCRIPTIO.

CAPUT vix thorace latius, nigrum; *Antennæ* fuscescentes, extrorsum crassiores, capite thoraceque longiores.

THORAX niger, cordatus, per totam longitudinem profunde sulcatus.

ELYTRA thoracis longitudine sed latiora, nigra, convexa.

STERNUM nigrum.

ALÆ albæ, hyalinæ, abdomine longiores.

ABDOMEN nigrum, longitudine dimidii corporis.

PEDES fusci, interdum minus, interdum magis flavescentes.

LOCUS: Habitat in Uplandia rarius.

OBSERV. *Magnitudo: inter minimos est, & præcedente quadruplo minor.*

N:o xxv.

## STAPHYLINUS JUNO.

*Niger, oculis magnis, prominentibus,  
antennis clavatis.*

## DESCRIPTIO.

**CAPUT** nigrum, breve, thorace latius, subtilissime punctatum; *Oculi* magni, valde prominuli; *Palpi* æquales, longiores; *Antennæ* nigrae, longitudine thoracis, basi tenuissimæ, interdum flavicantes: quatuor ultimis articulis crassioribus.

**THORAX** niger, cylindricus, subtilissime punctatus, capite & elytris, præsertim postice angustior.

**STERNUM** nigrum.

**ELYTRA** breviora, nigra, postice retusa, subtilissime punctata.

**ABDOMEN** nigrum, cylindricum, longitudine dimidii corporis.

**PEDES** nigri, interdum flavi, geniculis modo nigris; rarius flavi, immaculati.

*Locus:* Habitat frequens in littoribus.

*SYNON.* FABR. *Mant. Inf.* p. 221, N:o 21. *St. Clavicornis.*

GEOFFR. *Hist. des Inf.* T. 1, p. 371. N:o 24.  
*Var. α. St. Juno.*

VAR. β.

---



---

 VAR.  $\beta$ .

*Niger oculis prominulis, antennis clavatis,  
clytris puncto flavo.*

*Locus:* Hab. in littoribus cum præcedente,  
sed minus frequens.

*OBSERV. Fabrica & Statura omnino præcedentis,  
ut secundum observationem ill. GEOFFROY  
non distingui queant; cumque  
& majores & minores utriusque va-  
rietatis occurrant, punctum flavum non  
esse differentiam sexualem credo, ut  
GEOFFROY conjicit.*

*SYNON. FABR. Mant. Inf. p. 221. N:o 20, St. Bi-  
guttatus.*

*LINN. Syst. Nat. 2. p. 685. N:o 16. Faun. Sv.  
N:o 847. St. Bipustulatus.*

*GEOFFR. Hist. des Inf. T. 1. p. 371. N:o 24,  
Var.  $\beta$ . St. Juno.*



N:o xxvi.

## STAPHYLINUS ORBICULATUS.

*Niger, thorace convexo, orbiculato,  
antennis, palpis pedibusque fu-  
sco-rufescentibus.*

## DESCRIPTIO.

**CAPUT** nigrum, supra infraque conve-  
xum, orbiculatum, thorace la-  
tius; *Antennæ* filiformes, vix  
capitis thoracisque longitudine;  
*Palpi* fusco-rufescentes.

**THORAX** niger, orbiculatus, convexus,  
capite elytrisque angustior, pro-  
funda incisura ab illis disjunctus,  
ut tenuissime illis adhæreat.

**ELYTRA** nigra, quadrata, thorace lon-  
giora & latiora.

**STERNUM** nigrum.

**ABDOMEN** nigrum, vix thorace elytris-  
que longius.

**PEDES** fusco-rufescentes.

**LOCUS:** Hab. rarius in Uplandia.

**OBSERV.** *Magnitudo St. Canaliculati, sed angustior.  
Ab omnibus Staphylinis nigris optime  
distinguitur thorace convexo, orbicula-  
to, a capite majori valde disjuncto.*

N:o xxvii.

## STAPHYLINUS ANGUSTATUS.

*Linearis niger, thorace orbiculato convexo; palpis, antennis, elytris postice pedibusque flavo-rufis.*

## DESCRIPTIO.

**CAPUT** nigrum, thorace latius, supra infraque convexum; *Antennæ* filiformes breviores; *Palpi* flavo-rufescentes.

**THORAX** niger, convexus, rotundatus, postice attenuatus, capite elytrisque angustior, profundis incisuris ab iis disjunctus.

**ELYTRA** quadrata, thorace paulo longiora latioraque, antice nigra, postice rufo-flavescentia.

**ALÆ** albæ, hyalinæ, abdomine breviores.

**ABDOMEN** nigrum, dimidio corpore fere longius.

**PEDES** flavo-rufescentes.

**LOCUS :** Habitat in apricis Uplandiæ primo vere rarius; intra spicas fecalis, in horrea ad Hesfelby investit, semel plures inveni.

**OBSERV.** *Facies & satura præcedentis, sed duplo fere*

*fere minor, & respectu latitudinis, angustior. Differt a St. Elongato, cui colore omnino affinis, magnitudine quadruplo minori, thorace rotundiori magis convexo, atque palpis omnibus æqualibus, filiformibus.*

## STAPHYLINUS GRACILIS.

*Linearis rufus, elytris pedibusque pallidioribus, thorace rotundato, abdomine apice fusco.*

## DESCRIPTIO.

- CAPUT** thorace latius, convexum, rufum; *Oculi nigri; Antennæ filiformes, breviores.*
- THORAX** rufus, convexus, rotundatus, postice attenuatus, capite elytrisque angustior, ab illis profunda incisura disjunctus.
- ELYTRA** testacea, quadrata, thorace paulo longiora & latiora.
- STERNUM** rufum.
- ABDOMEN** rufum, apice fuscum, dimidio corpore fere longius.
- PEDES** flavescentes.

**LOCUS:** Hab. in Uplandia rarius; intra segetem horreis ad Hesfelby illatam semel magnam ejus copiam inveni.

**OBSERV.** *Statura, magnitudo & fabrica præcedentis, ut forsan mera varietates ejusdem speciei sint. Ut observavi, etiam mixti occurrunt, sed color omnino differt.*

N:o XXIX.

## STAPHYLINUS SANGVINEUS.

*Niger, elytris sanguineis, abdomine gibbo, antennis longioribus.*

## DESCRIPTIO.

CAPUT thoracis latitudine, nigrum, rugosum; *Oculi* parum prominuli; *Palpi* flavescentes; *Antennæ* fusæ, extrorsum crassiores, longitudine fere totius corporis.

THORAX niger, gibbus, rugosus, abdomine multo angustior.

STERNUM nigrum.

ELYTRA læte sanguinea, convexa, subrotundata, basi striata.

ABDOMEN nigrum, maxime gibbum, brevissimum, unde singularis facies.

PEDES: *Femora* fusca; *Tibiæ & Tarsi* flavescentes.

LOCUS: Hab. rarissime ad Upsaliam; e Germania a Dom. SCHNEIDER, & e Gallia a Dom. D'ANTIC mihi misus.

OBSERV. *Magnitudo: minor; vix magn. Staph. sulcati, quo magis gibbus est. Descriptio LINNÆANA ambigua, unde etiam plures. Entomologi St. fulgidum, aut nitidum pro St. sanguineo LINN. habuerunt, sed omnino falsum.*

SYNON. LINN. *Syst. Nat. p. 639. N:o 19. Faun. Svec. N:o 853. St. Sanguineus.*

D 2

FA-

## FAMILIA SECUNDA

### *Capite thorace angustiore.*

N:o xxx.

STAPHYLINUS NITIDUS.

*Ater nitidus, elytris rufis, alis nigris.*

**DESCRIPTIO.**

**CAPUT** thorace paulo angustius, nigrum, nitidum, subtilissime punctatum: *Nucha* glabra; *Antenna* filiformes, capite thoraceque paulo longiores; *Oculi* albi, medio nigri.

**THORAX** niger, longitudine elytrorum, antice compresus, angulis acutis; postice rotundatus, subtilissime punctatus.

**ELYTRA** rufa, longitudine thoracis.

**STERNUM** nigrum.

**ALÆ** fuscescentes, apice obscuriores.

**PEDES** nigri; rarius obscure brunnei.

**LOCUS:** Hab. in fimetis parcius.

**OBSERV.** *Variat interdum elytris obscure rufis & thorace punctis ravioribus. Numerus punctorum excavatorum thoracis in hac & tribus sequentibus speciebus nimis*

va-

*vavint: interdum disco thoracis fere  
glabro inveniuntur. Minus igitur ac-  
curate ill. A LINNÉ characterem essen-  
tialem St. politi statuit in thorace pun-  
ctis decem excavatis, ut etiam ill.  
GEOFFROY antea observavit.*

SYNON. FABR. *Mant. Inf. p. 220. N:o 13. St. Nitidus.*

## STAPHYLINUS POLITUS.

*Ater nitidus, capite, thorace elytris-  
que æneis, alis nigris.*

## DESCRIPTIO.

**CAPUT** æneum, thorace angustius, rotundatum, convexum, margine punctatum; *Antennæ* filiformes, capite thoraceque paulo longiores; *Oculi* albi medio nigri.

**THORAX** æneus, punctatus, antice truncatus, angulatus, postice rotundatus.

**ELYTRA** ænea, thoracis longitudine, sed paulo latiora.

**ALÆ** fuscæ, apice obscuriores, corpore longiores: macula magna marginali nigra.

**STERNUM** nigrum.

**ABDOMEN** nigrum, longitudine dimidii corporis.

**PEDES** nigri.

**LOCUS:** Hab. frequens in stercore.

**OBSERV.** *Color æneus interdum magis obscurus est & caput vix thorace angustius.*

**SYNON.** FABR. *Mant. Inf.* p. 220. N:o 11. *St. Politus.*

LINN. *Syst. Nat.* 2. p. 683. N:o 5. *Faun. Suec.*  
N:o 843. *St. Politus.*

DE GEER *Inf. T.* 4. p. 23. N:o 9. *St. Æneus.*

VAR.  $\beta$ .



VAR.  $\beta$ .

*Totus niger nitidus, alis nigris.*

Simillimus præcedenti; alis longis nigris optime a reliquis Staphylinis nigris hujus familiæ distingvitur.

*Locus:* Hab. in stercore rarius.

## STAPHYLINUS MARGINATUS.

*Niger nitidus, thoracis lateribus femoribusque flavis, alis nigris.*

## DESCRIPTIO.

**CAPUT** thorace angustius, convexum, nigrum, margine punctatum; *Antenne* capite thoraceque longiores nigrae: primo articulo subtus flavo; *Palpi* flavi; *Oculi* albi medio nigri.

**THORAX** niger, punctatus, lateribus flavis; antice angustatus, truncatus, postice rotundatus.

**ELYTRA** nigro-fuscescentia, thorace latiora.

**ALÆ** fuscae, apice obscuriores: macula marginali nigra.

**PEDES:** *Femora* flava; *Tibiae* & *Tarsi* fuscescentes.

**Locus:** Habitat in fimetis parcius.

**OBSERV.** *Statura, magnitudine, & habitu St. nitidus, politus & marginatus ita conveniunt, ut vix nisi colore distingui possint; forsan merae sunt varietates; sed cum in copulis juncti nondum observati sint, adhuc sub judice lis est.*

**SYNON.** **FARR.** *Mant. Inf. p. 221. N:o 1. St. Marginatus.*

N:o XXXIII.

## STAPHYLINUS VARIANS.

*Niger nitidus, thorace punctulato, immarginato, alis albis.*

## DESCRIPTIO.

**CAPUT** nigrum, thorace angustius, convexum, rotundatum, punctulatum; *Oculi* nigri margine albicantes; *Antennæ* filiformes, capite thoraceque paulo longiores.

**THORAX** niger, nitidus, convexus, punctatus, immarginatus: lateribus compressis; antice angustatus, angulatus, postice rotundatus.

**ELYTRA** nigra, thoracis longitudine.

**STERNUM** nigrum.

**ALÆ** amplæ, albo-hyalinæ; macula minuta marginali subfusca.

**ABDOMEN** nigrum, obtusum, longitudine dimidii corporis.

**PEDES** nigri.

**LOCUS:** Habitat frequens in stercore.

**OBSERV.** *Ab auctoribus cum St. Polito confusus videtur, sed omnino differt alis albis & magnitudine duplo minore.*

VAR.

VAR.  $\beta$ .

*Niger nitidus*, elytris puncto obsoleto rubro, femoribus anterioribus interdum basi rufis.

**LOCUS:** Habitat cum præcedenti, sed minus frequens.

**OBSERV.** An sit *Staph. biguttatus* LINNÆI, ob ejus descriptionis ambiguitatem difficile est probatu; minime vero ejus *St. bipustulatus* esse potest, quia nec valde oblongus, nec antennæ clavatæ sunt, quæ notæ in var.  $\beta$ . *St. Junonis* optimè quadrant.

VAR.  $\gamma$ .

*Niger*, pedibus rufo-flavescentibus.

**LOCUS:** Habitat in Uplandia.

VAR.  $\delta$ .

*Niger*, pedibus rufo-flavescentibus, elytris piccis.

**LOCUS:** Habitat cum præcedentibus parcius.

**OBSERV.** *Varietates*  $\alpha$ ,  $\beta$ ,  $\gamma$  *fabrica* & *statura* omnino similes, at var.  $\gamma$  præcedentibus paulo minor, & var.  $\delta$  duplo fere illis minor, capite majori, latitudine fere thoracis, ut forsan species distincta sit, quamvis *statura* & *habitu* cum præcedentibus ita conveniat, ut probe illum *Staphylinum* distinguere baud valuerim.

N:o XXXIV.

N:o xxxiv.

## STAPHYLINUS ANALIS.

*Niger nitidus, elytris, ano pedibus-  
que rufo-flavescentibus.*

## DESCRIPTIO.

CAPUT minutum, nigrum, nitidum, tho-  
race dimidio angustius; *Antennæ*  
subfiliformes nigræ, basi apice-  
que rufo-flavæ, dimidio fere  
corporis longitudine.

THORAX niger, nitidus, immarginatus;  
antice angustatus angulis ob-  
tusis; postice rotundatus.

STERNUM nigrum, nitidum.

ELYTRA rufo-flava, glabra, capitis tho-  
racisque longitudine, thoracis  
latitudine.

PEDES rufo-flavi.

LOCUS: Hab. in fimetis.

SYNON. FABR. *Mant. Inf. p. 221. N:o 19. St. Analis.*

VAR.  $\beta$ .

*Niger nitidus, elytris, thorace, ano pedi-  
busque rufo-flavis.*

LOCUS: Habitat cum præcedente.

SYNON. FABR. *Mant. Inf. p. 221. N:o 25. St. Mer-  
darius.*

OB-

*OBSERV. Var. α paulo minor, sed me iudice binc  
sejungi non mevetur.*

*VAR. γ.*

*Niger nitidus, ano pedibusque rufo-flavescentibus, elytris rufis: angulo exterioriore posteriore nigro.*

*.Locus: Habitat apud nos rarissime, nec nisi unicum vidi.*

*OBSERV. Statura omnino var. α, at paulo minor.*

N:o xxxv.

N:o xxxv.

## STAPHYLINUS ATRICAPILLUS.

*Rufus, capite, ano, sterno elytrisque  
medio nigris.*

## DESCRIPTIO.

CAPUT nigrum, nitidum, elongatum,  
vix dimidii thoracis latitudine;  
*Palpi* rufi; *Antennæ* extrorsum  
crassiores, capitis thoracisque  
longitudine, nigræ, basi apice-  
que rufæ.

THORAX rufus, nitidus, immarginatus,  
antice angustatus.

ELYTRA thorace longiora latioraque, ni-  
gra, nitida: macula magna ba-  
seos in angulo exteriore, mar-  
gineque postico testaceo.

STERNUM nigrum, nitidum.

ALÆ amplæ, corpore longiores, al-  
bo-hyalinæ.

ABDOMEN rufum, postice attenuatum, se-  
gmentis duobus ultimis nigris.

PEDES longiores, rufo-flavi.

LOCUS: Habitat Upsaliæ in boletis rarior.

OBSERV. *Magnitudo & statura omnino var. β. St.  
Analis, sed differt longitudine capitis  
& colore.*

SYNON. FABR. *Mant. Inf. p. 221. N:o 26. St. Atri-  
capillus.*

N:o xxxvi.

## STAPHYLINUS COLLARIS.

*Rufo-flavus, capite, sterno, ano ely-  
trisque nigris.*

## DESCRIPTIO.

**CAPUT** thorace angustius, nigrum, nitidum; *Antennæ* pilosæ, nigræ apice flavicantes, extrorsum crassiores, capite thoraceque paulo longiores.

**THORAX** brevior, rufo-flavus, nitidus, subtilissime punctatus.

**ELYTRA** breviora, vix thorace longiora, nigra, nitida, subtilissime punctata.

**STERNUM** nigrum, nitidum.

**ABDOMEN** dimidio corpore longius, marginatum, rufum, ano nigro.

**PEDES** flavi.

**LOCUS:** Habitat apud nos rarissime, nec nisi unicum sub lapide, tempore vernali in Olunda Uplandiæ inveni.

**OBSERV.** *Similis St. ripario, sed dimidio minor, nec elytra sunt violacea, nec genicula nigra.*

**SYNON.** SCHÆFF. *Inf. p.* . t.



N:o XXXVII.

## STAPHYLINUS TRICORNIS.

*Niger, capite thoraceque cornuto, ely-  
tris rubris: margine interiore  
& exteriori nigro.*

## DESCRIPTIO MARIS:

**CAPUT** thorace angustius, nigrum, de-  
pressum: cornibus duobus por-  
rectis, longitudine dimidii capi-  
tis; *Antennæ* extrorsum cras-  
siores, capitis thoracisque lon-  
gitudine.

**THORAX** niger, punctatus, convexus,  
submarginatus; postice rotunda-  
tus, antice retusus: cornu va-  
lido, porrecto, longitudine  
thoracis.

**ELYTRA** subquadrata, thorace, cornu ex-  
cepto, paulo longiora, rubra,  
margine interiore & anteriore  
nigro.

**STERNUM** nigrum.

**ABDOMEN** nigrum, marginatum, vix dimi-  
dii corporis longitudine.

**PEDES;** *Femora* nigra; *Tibiæ* & *Tarsi*  
fufcescentes.

**FOEMINA** mari simillima, sed thorace mu-  
tico

---

tico cornibusque capitis minoribus.

**Locus:** Rarissime obvius: a Dom. QUENTZEL in stercore bovino ad Scano-ram Scaniæ lectus; a Dom. GEDNER in plateis Caroli-Coronæ, tempore vernali.

**SrNON.** HERBST *St. Tricornis*,

N:o xxxviii.

N:o XXXVIII.

## STAPHYLINUS FUSCIPES.

*Niger, elytris brevissimis pedibusque fuscis, thorace gibbo.*

## DESCRIPTIO.

**CAPUT** thorace angustius, minutum, nigrum; *Antennæ* extrorsum crassiores, capitis thoracisque longitudine.

**THORAX** niger, gibbus, longitudine latior; postice rotundatus.

**ELYTRA** thorace breviora, depressa, fusca, certo situ rufescentia: margine interiore postice rotundato.

**ALÆ** albæ, apice, præsertim margine exteriori nigrescentes.

**STERNUM** nigrum.

**ABDOMEN** nigrum, obtusum, latitudine elytrorum, reliquo corpore fere duplo longius, dorso depresso, marginato; subtus convexum.

**PEDES** fusci.

**LOCUS:** Habitat rarius in fimetis; inter olera putrida cellis subterraneis ejecta, semel copiose a me repertus.

**OBSERV.** *Magnitudo: longitudine præcedentis, sed multo latior. Descriptiones auctorum ancipites, sed Pr. FABRICIUS me literis certiorum fecit banc speciem suam esse St. fuscipidem.*

**SYNON.** FABR. *Mant. Inf.* p. 221. N:o 22. *St. Fuscipes.*  
LINN. *Syst. Nat.* 2. p. 685. N:o 23. *Faun. Sv.* N:o 857.

E

N:o XXXIX.

## STAPHYLINUS LIMBATUS.

*Niger, elytris brevissimis: margine pedibusque rufescentibus.*

## DESCRIPTIO.

**CAPUT** thorace angustius, nigrum; *Antennæ* capite thoraceque paulo longiores, basi apiceque rufescentes, extrorsum crassiores: primo ultimoque articulo reliquis longioribus.

**THORAX** fusco-nigrescens, nitidus, convexus, longitudine latior; antice angulatus, postice rotundatus.

**STERNUM** rufescens.

**ELYTRA** nigra, margine, præsertim anteriore rufo-fuscescente, seu rufo-fuscescentia: macula magna subquadrata nigra.

**ALÆ** albæ: macula marginali nigra.

**ABDOMEN** reliquo corpore longius: dorso nigro, plano, marginato; subtus convexum, rufescens.

**PEDES** rufi.

VAR.  $\beta$ .

*Niger, elytris brevissimis: margine pedibusque rufescentibus; thorace postice medio canaliculato.*

*Locus:* Habitat in putridis & ligno antiquo rarius.

OE-

*OBSERV. Paulo minor præcedenti, cui fimillimus, forsan mas, Statura fuscipedis, at minor & thorace minus gibbo. Var. β. a St. Canaliculato differt colore, capite angustiore, & thorace minus rotundato, magis gibbo.*

*SYNON. LINN. Syst. Nat. 2. p. 685. N:o 17. Faun. Svec. N:o 848. St. Lignorum? sed descriptio minus bene quadrat.*

*FABR. Mant. Inf. p. 221. N:o 27. St. Marginellus?*

## STAPHYLINUS EMARGINATUS.

*Rufo-fuscus, depressus, elytris pallidioribus brevissimis, thorace elytrisque emarginatis.*

## DESCRIPTIO.

**CAPUT** rufo-fuscum, minutum, thorace multo angustius; *Antennæ* dimidio corpore longiores, filiformes: ultimo articulo conico, reliquis longiore.

**THORAX** rufo-fuscus, longitudine latior, depressus, concavus, marginibus lateralibus elevatis; antice angustatus, truncatus, angulis obtusis; lateribus posticeque emarginatus, angulis acutis.

**ELYTRA** depressa, thorace pallidiora, vix thoracis longitudine, sed paulo latiora, postice emarginata: angulo exteriori acuto, interiori obtuso.

**STERNUM** fuscum.

**ABDOMEN** rufo-fuscum, longitudine dimidii corporis: dorso marginato, depresso, papilloso, ventre convexo.

**PEDES** rufo-fusci.

Lo-

**LOCUS:** Rarissime occurrit, nec nisi unicum  
in boleto inveni; e Gallia mihi a  
Dom. D'ANTIC misfus.

**OBSERV.** *Varietatem vidi huic simillimam, sed  
thorace utrinque latere puncto impres-  
so, forsan erat varietas sexus.*

## STAPHYLINUS LUNULATUS.

*Rufo-testaceus, capite, elytris medio  
abdomineque cingulo nigro.*

## DESCRIPTIO.

**CAPUT** nigrum, thorace vix angustius;  
*Antennæ* extrorsum crassiores,  
capite thoraceque longiores, fu-  
scescentes, basi apiceque rufo-  
flavæ.

**THORAX** immarginatus, convexus, ro-  
tundatus, rufo-flavus.

**ELYTRA** thoracis longitudine, sed paulo  
latiora, nigro-fusca, antice la-  
te, posticeque summo margine  
rufo-flavo.

**STERNUM** rufo-flavum.

**ABDOMEN** reliquo corpore longius, rufo-  
testaceum, versus apicem, non  
tamen ano cingulo nigro: dorso  
depresso, marginato.

**PEDES** rufo-testacei.

**LOCUS:** Hab. in boletis putridis, præsertim  
autumno frequens.

**SERNON.** FABR. *Mant. Inf.* p. 222. N:o 2. *Oxy-  
pus lunulatus.*

**LINN.** *Syst. Nat.* 2. p. 689. N:o 7. *Faun. Svec.*  
N:o 845. *St. lunulatus.*



N:o XLII.

## STAPHYLINUS MELANOCEPHALUS.

*Testaceus, capite atro, thorace rotundato.*

## DESCRIPTIO.

CAPUT nigrum, nitidum, thorace paulo angustius; *Antennæ* testaceæ, extrorsum crassiores, capite thoraceque longiores.

THORAX testaceus, rotundatus, parum convexus.

ELYTRA testacea, thorace paulo longiora & latiora.

ALÆ albæ.

STERNUM rufo-testaceum.

ABDOMEN testaceum, longitudine vix dimidii corporis, versus apicem, non tamen in ipso apice fuscescens: dorso depresso, marginato.

PEDES testacei.

LOCUS: Hab. in boletis Uplandiæ rarius.

OBSERV. *Statura & facies præcedentis, sed minor & elytra immaculata.*

SYNON. FABR. *Mant. Inf. p. 222. N:o 37. St. melanocephalus.*

E 4

N:o XLIII.

## STAPHYLINUS SOCIALIS.

*Niger, elytris depressis, pedibus fusco-rufescentibus.*

## DESCRIPTIO.

**CAPUT** nigrum, nitidum, thorace angustius; *Antennæ* fuscae, extrorsum crassiores, capite thoraceque longiores.

**THORAX** niger, nitidus, immarginatus; postice rotundatus, longitudine fere latior.

**STERNUM** nigrum.

**ELYTRA** subquadrata, lævissima, vix thorace longiora, disco fusco-rufescentia, margine obsolete nigro.

**ALÆ** amplæ, albo-hyalinæ.

**ABDOMEN** nigrum, depressum, dorso marginatum, dimidio corpore longius.

**PEDES** rufo-fuscescentes, rarius pallidi.

**OBSERV.** *Magnitudo St. Melanocephali.*

VAR.  $\beta$ .

*Niger, elytris depressis fuscis, vix rufescentibus, pedibus pallidioribus.*

Similis omnino præcedenti, sed sæpius dimidio minor, forsan mas.

Lo-

**LOCUS:** In fucco betulæ, tempore hyemis ex-  
cisæ, ad Hesselby magnam ejus co-  
piam reperi, mense Majo.

**OBSERV.** *Difficillima est minimorum Staphylinorum dignoscendi & describendi ratio, & forsitan ideo plane ab auctoribus omis-  
si sunt. Staphylinus socialis statu-  
ra aliquo modo est St. fuscipidis, &  
elytra ejus rufescentia in var.  $\alpha$  aliam  
similitudinem præbent, sed sexies mi-  
nor est etiam illa varietas  $\alpha$ , nec tho-  
rax gibbus, nec alæ apice fuscescentes.  
Differt varietas  $\beta$  a St. bicolori, quod  
ex altera familia & sæpius sexies  
minor sit.*

N:o XLIV.

## STAPHYLINUS BOLETI.

*Linearis rufo-fuscus, antennis pedibusque rufo-pallidis.*

## DESCRIPTIO.

**CAPUT** thorace latius, rufo-fuscum; *Antennæ* rufo-flavæ, extrorsum crassiores, longitudine capitis thoracisque; *Oculi* parvi, prominentes, nigri.

**THORAX** subrotundatus, convexus, rufo-fuscus.

**STERNUM** rufo-fuscum.

**ELYTRA** rufo-fusca, subconvexa, longitudine & latitudine thoracis.

**ABDOMEN** latitudine elytrorum rufo-fuscum, apice magis nigrescente, reliquo corpore longius: dorso depresso, marginato.

**PEDES** pallide rufi.

**LOCUS:** Habitat in boletis.

**OBSERV.** *Magnitudo: longitudine fere var. α præcedentis, sed multo angustior. Unicum vidi elytris reliquo corpore paulo pallidioribus, ut LINNÆUS banc speciem describit, sed character ille minime constans, ut etiam ill. DE GEER ante me observavit. Differt a St. Sociali, elytrorum convexitate, oculis magis prominentibus, & quod magis elongatus sit.*

**SYNON.** LINN. *Syst. Nat.* 2. p. 686. N:o 26. Fawn. *Svec.* N:o 859. St. Boleti.

DE GEER, *Hist. des Ins.* 4. p. 26. N:o 13.

N:o XLV.

N:o XLV.

## STAPHYLINUS BRUNNEUS.

*Rufo-brunneus, capite, elytris postice  
abdomineque apice nigris.*

## DESCRIPTIO.

CAPUT nigrum, thorace angustius; *Oculi* prominuli; *Antennæ* rufo-brunneæ, extrorsum crassiores, capitis thoracisque longitudine.

THORAX rufo-brunneus, longitudine latior, subtilissime punctatus, submarginatus; antice rotundatus, postice fere truncatus.

ELYTRA longitudine fere capitis thoracisque, subtilissime striato-punctata; apice rotundata, antice ultra dimidiam partem rufo-brunnea, postice nigra.

SCUTELLUM nullum.

STERNUM brunneum.

ABDOMEN longitudine capitis thoracisque, basi rufo-brunneum, apice nigrum.

PEDES rufi.

LOCUS: Hab. in Uplandia rarior.

OBSERV. *Magnitudine & statura est St. Caraboidis, sed differt colore, capite minori, & antennis brevioribus.*

VAR.

---

---

VAR.  $\beta$ .

*Rufo-brunneus, capite, abdominis apice, ely-  
tris postice margineque interiore  
late nigris.*

Statura & fabrica omnino præceden-  
tis, at duplo fere minor, forsan mas.

**Locus:** Hab. cum præcedenti rarius.

N:o XLVI.

N:o XLVI.

## STAPHYLINUS RIVULARIS.

*Niger, elytris longioribus abdomineque  
depressis, thorace quadrisulcato:  
antice rotundato, pedibus  
rufo-brunneis.*

## DESCRIPTIO.

**CAPUT** nigrum, thorace angustius, depressum; *Oculi* prominuli; *Antennæ* extrorsum crassiores, vix capitis thoracisque longitudine, basi rufæ, apice nigræ.

**THORAX** niger, longitudine latior, quadrisulcatus: fulcis exterioribus marginalibus; antice rotundatus; postice truncatus; intra sulcos medios interdum antice fulculi minores.

**STERNUM** nigrum.

**ELYTRA** depressa, obscure picea, subtilissime punctata, capite thoraceque fere longiora.

**ALÆ** albæ, hyalinæ, absque ullo puncto marginali.

**ABDOMEN** obtusum, depressum, nigrum, vix capitis thoracisque longitudine.

**PEDES** rufo-brunnei.

Lo-

*Locus:* In fucco betulæ excisæ, mense Majo  
ad Hesselby rarius reperi.

*OBSERV.* Differt a *St. Piceo* cui affinis, quod ex  
altera familia, quod brevior, sed non  
angustior, quod magis depressus, quod  
abdomen multo brevius, & Thorax an-  
tice, non vero postice rotundatus sit.



N:o XLVII.

## STAPHYLINUS FLORALIS.

*Niger, depressus, thorace lævi, pedibus  
piceis, alis albo-hyalinis: costa  
ultra medium fuscescente.*

## DESCRIPTIO.

CAPUT nigrum, thorace angustius; *Antennæ* fuscescentes, extrorsum  
crassiores, capitis thoracisque  
longitudine.

THORAX niger, lævis, submarginatus,  
longitudine latior; antice rotun-  
datus, postice truncatus.

ELYTRA nigra, depressa, capitis thora-  
cisque longitudine.

STERNUM nigrum.

ALÆ amplæ, corpore fere duplo lon-  
giores, albo-hyalinæ: costa ad  
medietatem fuscescente.

ABDOMEN depressum, obtusum, vix capi-  
te thoraceque longius.

PEDES picei, interdum rufescentes.

LOCUS: Habitat in floribus, præsertim padi  
sat frequens tempore vernali.

OBSERV. Magnitudine & statura omnino præce-  
denti, sed differt thorace glabro.

N:o XLVIII.

## STAPHYLINUS TECTUS.

*Niger, laticissimus, elytris abdomen fere  
obtegentibus, testaceo-fuscescenti-  
bus, pedibus pallidioribus.*

## DESCRIPTIO.

**CAPUT** nigrum, thorace angustius; *Oculi* prominuli, *Antennæ* nigrae, basi pallidiores, extrorsum crassiores, capite thoraceque longiores.

**THORAX** niger, summo margine testaceo-fuscescente, parum convexus, submarginatus, longitudine latior; antice posticeque truncatus: angulis obtusis.

**STERNUM** nigrum.

**ELYTRA** testaceo-fuscescentia, longissima, capite thoraceque longiora, abdomen fere obtegentia.

**ALÆ** amplæ, albo-hyalinæ.

**ABDOMEN** nigrum, obtusum: lateribus depressis, elytris vix longius, unde singularis facies.

**PEDES** pallide testacei, fuscescentes.

**OBSERV.** *Magnitudo: latitudine est St. Elongati, sed quadruplo brevior.*

VAR.

VAR.  $\beta$ .

*Niger, elytris pedibusque fuscis.*

*Locus:* In succo betulæ excisæ habitantem reperi ad Hesselby initio mensis Maji.

*OBSERV.* Paulo major, et statura & habitus omnino idem. Latitudine, & abdomine brevissimo ab omnibus reliquis distinguitur.

## STAPHYLINUS DEPRESSUS.

*Niger depressus, capite thoraceque marginato, pedibus rufis, antennis basi binodibus.*

## DESCRIPTIO.

- CAPUT** nigrum, thoracē angustius, marginatum; *Oculi* parum prominuli; *Antennæ* longitudine capitis thoracisque: primis duobus articulis ultimoque reliquis crassioribus, globosis.
- THORAX** niger, longitudine latior, acute marginatus, subtilissime punctatus, antice posticeque truncatus: sulculo unico, minime profundo longitudinali.
- STERNUM** nigrum.
- ELYTRA** depressa, nigra, capitis thoracisque longitudine, subtilissime punctata.
- ALÆ** amplæ, albæ: costa basi fuscescente.
- ABDOMEN** nigrum, marginatum, capitis thoracisque longitudine, latitudine elytrorum.
- PEDES** rufi, interdum rufo-fuscescentes.

**LOCUS:** In succo betulæ excisæ, initio mensis Maji ad Hesfelby habitantem reperi.

**OBSERV.** *Magnitudo: paulo præcedenti minor. Corpore depresso a St. Quentzeli, antennis basi binodibus a reliquis optime dignoscitur.*

N:o L.

N:o L.

## STAPHYLINUS PORCATUS.

*Niger, thorace abdomineque porcato,  
elytris quadrisulcatis, pedibus piceis.*

## DESCRIPTIO.

CAPUT thorace angustius, nigrum.

THORAX niger, acute marginatus, in medio gibbus, porcatus; antice paulo angustatus, postice acute angulatus.

STERNUM nigrum.

ELYTRA nigra, longitudine capitis thoracisque, quadrisulcata.

ALÆ albæ: macula minuta marginali fusca.

ABDOMEN nigrum, capitis thoracisque longitudine, marginatum, dorso porcatum.

PEDES breviores, picei.

LOCUS: Habitat in Scania QUENTZEL; prope Upsaliam PRINTZ rarissime hunc deprehendit.

OBSERV. Statura ♂ magnitudo omnino præcedentis; inveniuntur etiam duplo minores, forsitan mares.

F 2

N:o LI.

## STAPHYLINUS QUENTZELI.

*Niger nitidus, antennis extrorsum crassioribus: basi binodibus; thorace gibbo elytrisque punctatis.*

## DESCRIPTIO.

**CAPUT** nigro-fuscum, nitidum, thorace paulo angustius, punctatum; *Antennæ* basi binodes: articulis tribus ultimis crassioribus.

**THORAX** nigro-fuscus, nitidus, longitudine latior, punctatus, gibbus, marginatus.

**STERNUM** nigrum,

**ELYTRA** nigro-fuscescentia, nitida, vix thorace longiora.

**ABDOMEN** nigrum, nitidum, longitudine dimidii corporis.

**PEDES** nigri.

**LOCUS:** E Scania mihi misit Dom. QUENTZEL indefessus & oculatissimus insectorum observator.

**OBSERV.** *Longitudo St. porcati, sed angustior. Antennis basi binodibus a reliquis St. nigris distinguitur; a St. depresso, quod angustior, quod thorax gibbus, & quod tres ultimi antennarum articuli incrascati sint.*

## N:o LII.

## STAPHYLINUS SUBTERRANEUS.

*Niger glaber, nitidus, elytris longioribus extrorsum rufo-flavis.*

## DESCRIPTIO.

- CAPUT** nigrum, thorace duplo angustius; *Antennæ* filiformes, apice fuscescentes, longitudine fere dimidii corporis.
- THORAX** niger, convexus, submarginatus, longitudine latior, antice posticeque truncatus, capite elytrisque arcte junctus.
- STERNUM** nigrum.
- ELYTRA** capite thoraceque longiora, latitudine thoracis, antice posticeque truncata, acute angulata, nigra: macula magna rufo-flava in angulo anteriore exteriori.
- ALÆ** corpore longiores, fusco-hyalinæ, macula marginali nigra.
- ABDOMEN** nigrum, postice attenuatum, pilis longioribus, longitudine capitis thoracisque: annulo penultimo reliquis duplo longiore.
- PEDES:** *Femora & Tibiæ* nigra; *Tarsi* fuscescentes.

**LOCUS:** Ab Ill. A LINNÉ in cellis subterraneis  
sæpius habitare fertur, at mihi nun-  
quam obvius fuit, nisi in succo be-  
tulæ excisæ, in medio mensis Maji.

**OBSERV.** *Magnitudo & flatura omnino sequentis.*

**SYNON.** LINN. *Syst. Nat. 2. p. 684. N:o 12. Faun.*  
*Svec. N:o 849.*

**N:o LIII.**



N:o LIII.

## STAPHYLINUS RUFIPES.

*Niger glaber, elytris longioribus, pedibus rufis, penultimo segmento abdominis reliquis duplo longiore.*

## DESCRIPTIO.

**CAPUT** nigrum, glabrum, thorace duplo angustius; *Antennæ* vix extrorsum crassiores, fuscescentes, basi rufescentes, longitudine dimidii corporis.

**THORAX** niger, glaber, convexus, submarginatus, longitudine latior, antice posticeque truncatus, capite elytrisque arcte junctus.

**STERNUM** nigrum.

**ELYTRA** ampla, capite thoraceque longiora, latitudine thoracis, antice posticeque truncata.

**ALÆ** albo-hyalinæ, corpore fere duplo longiores: macula marginali fusca.

**ABDOMEN** nigrum, postice attenuatum, pilosum, thorace vix longius: annulo penultimo reliquis duplo longiore.

**PEDES** rufi testacei.

*Locus:* Hab. in stercore frequens.

F 4

SrN-

- SYNON.** FABR. *Mant. Inf.* p. 222. N:o 31. *St. Rufipes*.  
 LINN. *Syst. Nat.* 2. p. 685. N:o 24. *Faun. Sv.*  
 N:o 825. *St. Rufipes*.  
 DE GEER *Hist. des Inf.* t. 4. p. 24. N:o 11.

VAR.  $\beta$ .

*Niger, summo margine postico elytrorum  
 pedibusque rufis.*

**LOCUS:** Hab. cum præcedente.

**OBSERV.** *Statura & summa similitudo præcedentis,  
 quo duplo minor est, at vix distingui  
 meretur. Quis hic esset diu bæsi, donec  
 FABRICIUS litteris suis dubia mea  
 exemerit. Minus accurate igitur hic  
 summus auctor illi staturam St. margi-  
 nati in Syst. Ent. p. 266 tribuit; ill. ve-  
 ro a LINNÉ eum similem esse St. sub-  
 terraneo, sed minorem, in Faun. Sv.  
 apposite affert.*

- SYNON.** FABR. *Mant. Inf.* p. 221. N:o 16. *St. Flavescens*.  
 LINN. *Syst. Nat.* 2. p. 684. N:o 13. *Faun. Sv.*  
 N:o 850. *St. Flavescens*.

VAR.  $\gamma$ .

*Niger, thoracis lateribus elytrisque palli-  
 dioribus, pedibus rufis.*

**LOCUS:** Habitat cum præcedentibus.

**OBSERV.** *Statura & habitus omnino præcedentium  
 & magnitudo varietatis  $\alpha$ .*

- SYNON.** FABR. *Mant. Inf.* p. 221. N:o 23. *St. Hypno-  
 rum an? sed minime statura St. fuscipedis,  
 ut in Syst. Ent. p. 266, forsan perperam pro  
 rufipedis, impresum est.*

N:o LIV.

N:o LIV.

## STAPHYLINUS DISPAR.

*Niger, thorace, elytris pedibusque rufo-flavis; elytris longioribus, penultimo segmento abdominis reliquis vix longiore.*

## DESCRIPTIO.

**CAPUT** nigrum, nitidum, convexum, thorace duplo angustius; *Antennæ* filiformes, rufo-flavæ, apice fuscescentes, longitudine dimidii corporis.

**THORAX** convexus, supra infraque rufo-flavus, immarginatus, longitudine latior, antice posticeque truncatus, capite arcte junctus.

**ELYTRA** flava, summo margine anteriore & exteriore basi nigra, thorace paulo latiora, capitis thoracisque longitudine.

**STERNUM** nigrum.

**ALÆ** albæ, hyalinæ, corpore longiores: macula marginali pallida.

**ABDOMEN** nigrum, interdum paulo rufescens, apice attenuatum, pilosum.

**PEDES** rufo-flavi.

F 3

Lo-

*Locus:* Hab. in fimetis & sub foliis putridis frequens.

SYNON. FABR. *Mant. Inf. p. 221. N:o 28. St. Chrysomelinus.*

LINN. *Syst. Nat. 2. p. 685. N:o 21. Faun. Sv. N:o 855. St. Chrysomelinus.*

VAR.  $\beta$ .

*Niger, thoracis marginibus flavescens, elytris rufo-flavis: margine exterioriore nigro.*

*Locus:* Hab. cum præcedenti rarius.

SYNON. FABR. *Mant. Inf. p. 221. N:o 24. St. Nitidulus.*

VAR.  $\gamma$ .

*Rufo-flavus, oculis, sterno, ano elytris-que antice nigris.*

*Locus:* Habitat in fimetis frequens.

SYNON. FABR. *Mant. Inf. p. 221. N:o 17. St. Obtusus.*

LINN. *Syst. Nat. 2. p. 684. N:o 9. St. Obtusus.*

VAR.  $\delta$ .

*Niger, thorace toto elytris-que postice rufescentibus.*

*Locus:* Habitat cum præcedentibus.

VAR.  $\epsilon$ .

*Totus rufo-flavus, capite nigro.*

*Locus:* Habitat cum præcedentibus minus frequens.

VAR.

## VAR. ζ.

*Niger, thoracis lateribus pedibusque flavo-lividis, elytris flavo-lividis: margine' exteriori maculaque magna longitudinali nigra.*

*Locus:* Habitat in stercore rarius.

*OBSERV.* Magnitudine, fabrica & statura, omnium barum varietatum ita summa est similitudo, ut contra plurium auctorum sententiam omnes in unam speciem conjungere ausus sim; & fateor me, si distinguere debent, nullos characteres distinctos, coloribus exceptis, statuere posse. Omnes vero entomologi attenti facile observare possunt colores hac in specie ita misceri & variare, ut vix duo individua exacte similia reperiantur. Vidi etiam ipse Varietatem α & γ copulis junctam. Statura & fabrica est *St. Rufipedis*, sed differt magnitudine quadruplo minore, & penultimo segmento abdominis reliquis non duplo longiore.

*STNON.* LINN. *Syst. Nat.* 2. p. 684. *St. Silphoides*.

N:o LV.

## STAPHYLINUS LITTOREUS.

*Niger, antennis, thoracis lateribus,  
elytris, disco pedibusque testaceis.*

## DESCRIPTIO.

**CAPUT** nigrum, nitidum, thorace angustius; *Antenna* testaceæ, extrorsum crassiores, capite thoraceque longiores.

**THORAX** niger, lateribus late testaceis, convexus, immarginatus.

**STERNUM** nigrum, nitidum.

**ELYTRA** thorace paulo latiora, capitis thoracisque longitudine, nigra: disco testaceo; seu testacea: margine exteriori & angulo exteriori posteriore nigro.

**ABDOMEN** nigro-fuscum, apice attenuatum, pilosum.

**PEDES** longiores, testacei.

**LOCUS:** Habitat in arena humida riparia, sub qua cuniculos facit, præsertim in Gottlandia a LINNÉ. Nunquam ipse illum vivum vidi.

**OBSERV.** Magnitudo, fabrica & statura omnino præcedentis, ut nisi oeconomia ejus, te-

*testante ill. A LINNÉ omnino differret,  
vix ratio adesset cur ab eo distin-  
gueretur.*

STENON. LINN. *Syst. Nat.* 2. p. 685. N:o 18. *Faun.*  
*Sv.* N:o 852. *St. Littoreus.*



### EMENDANDA.

Pag. 23. l. 23. An *leg.* Quis

Pag. 26. l. 3. *coeruleis*, femoribusque *leg.* *coeruleis*, thorace femoribusque

Pag. 27. l. 27. SCHÆFF. Icon. T. 71. fig. 3 *deleatur.*

Pag. 39. l. 26. *plures*. Entomologi *leg.* *plures* entomologi

Pag. 50. l. 26. Inf. p. . t. *leg.* Icon. Tab. 71. f. 3.

Cetera leviora b. L. ipse corrigat.





